


中國方志叢書·華中地方·第六三號

據清·唐煦春等修朱士鰲等纂
清光緒十七年刊本
影印

浙江省

上虞縣志



5276/116
成文出版社有限公司印行



10097782

中國方志叢書·華中地方·第六三號


據

清·唐煦春等修朱士猷等纂
清光緒十七年刊本

影印

浙江省

上虞縣志



476/116
成交出版社有限公司印行




10097781

中國方志叢書·華中地方·第六三號

據清·唐煦春等修朱士猷等纂
清光緒十七年刊本
影印

浙江省

上虞縣志



5670/10
成文出版社有限公司印行



10097780

中華民國五十九年十一月壹一版

上虞縣志

全三冊

發行人：黃 成 助

出版者：成文出版社有限公司

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

上虞縣志

光緒二十九年
修志卷十二
風俗

重脩上虞縣志序

余督閩浙之次年

朝廷增脩會典

詔天下郡國各以圖獻於是
內而圻輔外而各行省郡邑

上虞縣志

序

靡不測繪輿圖脩輯地志以
備館臣之采擇而上虞令唐
君亦以是時輯邑志而新之
問序於余余惟上虞置縣自
秦始自秦以來沿革掌故之

大者載於歷代正史其小者

具於邑志邑志自嘉慶中前

令崔君重脩當是時典章文

物粲然具備然猶再歷寒暑

而成書今距崔君時八十餘

上虞縣志

序

二

年中更兵燹阮文達公原序
所稱津梁宮室之興廢田賦
版圖之因革職官選舉人文
物產之薈萃隨時增益先後
不同者一旦剝拾於煨燼之

餘欲問當時之政蹟而遺老
盡矣由是言之成書之難視
前志奚翅倍之而唐君承
明詔之徵求懼方策之失墜
繪圖輯志躬任其難其抱殘

守缺之功豈但遠軼前志且
足仰裨

會典以成

聖清之盛治其有功於文獻
甚鉅余既嘉唐君之勤又慨

今昔情形之不同爰論成書
之難易述其緣起而序之如
此光緒十有七年正月總制
閩浙使者儀徵卞寶第撰

上虞縣志序

上虞置縣自漢圖經所謂夏禹布諸侯會計因相虞樂於此故曰上虞衆字記云上虞縣東有姚邛即舜葬之所又東谷林即舜生之地復有厯山舜耕于此其事之有與不可知要其地山川秀麗民俗龐厚猶

有古初遺風焉予曩以閱兵過越州望謝太傅之東山懷陶隱居之釣川未嘗不低徊久之而益想舜禹之遺跡不置迫于公不及親履其地輒引以為憾近虞令唐君輯新志成請序于予二惟志書之作務有用而已不徒藻績山川侈陳人

物以為登臨憑吊之助然而山川人物實有足以感人之志者夫一邑之政六官皆具令無一不當知則志亦無一不當載焉捧檄而來人希地不相習不有志乘何從考索是故撫幅員之廣狹思何以綏靖閭閻也攷學校之盛衰思何以振興人材也戶口耗思所以息之水利湮思所以濬之營建廢思所以復之布夫一切政治之見于志者皆令之所宜盡心也夫是之謂稱職甚矣志之有裨于政也然而纂輯苟非其人去取寡當繁簡並譏且將以為口實雖有志猶未善也今君此書

應補者補之天章兵事是也應併者併之水利歸地理田賦歸食貨是也于所應訂者訂之舊志學校入建置中碑刻附詩文後今學校金石特設專門續圖計里開方人物不分門類皆于舊志為著君以良吏而擅史才讀其書槩可以知其政矣

雖然見諸文者猶述也吾聞漢晉令長若度尚傳晞頴含卞延之諸人皆有功德于冥至今稱道弗衰願君誦法前賢與為俗吏之所為俾冥民益熙三皞三而進于古稱其為舜禹之所漸被之民是所望於賢者之為治也

光緒十六年庚寅冬撫浙使者長白崧駿序

重修上虞縣志敘

治民莫要於守令守綜大綱而
已令於民視守尤親則尤要焉
入其境田疇闢廬舍修整津
梁無廢樹藝皆得其宜則令
之賢可知已上虞為越郡之邑
土風敦厚號易治邑令之賢

上虞縣志

序

照春久於其任百廢具舉曩
者按試越東諸郡過虞所見
以余言及與君相接言觀溫
粹若不欲以才自見心知其為
賢者也間以重修縣志請余曰
志書者政事之所從出也君殆
知所奉矣書成請序予受而

讀之條理秩必意在微實而
不誣行文亦簡要有法愛自云
於嘉慶志正其謬補其闕於
萬歷志則宗之而其旨靈歸
於雅馴可謂能知所擇者然則
君不獨優於政事且擅才學
三長而工於文體者也抑余聞

上虞縣志

序

君之初蒞虞也民苦盜君以次擒
盜錄其魁置之重典遂壹以寬
大為政百姓熙熙皆樂君之簡易
至於今且十季境內無盜蹤以
余所聞若此所見若彼益信乎
君之賢已任編葺之役者蔡貢
士元培為予歲試所取優等士

邃於經義通諸子百家文華尤
工蓋與君相助為理以續於成
者併乃

光緒十有七年三月浙江督學
使者南海潘衍桐撰

上虞縣志序

縣志之設其於有司者誠有裨
與夫有司者乍至一邑其於邑
初所未習風土之厚薄政治之
儉易茫然無所辨賴有志焉而

上虞縣志

序

一

疆域之隘錯山澤之概輿忠孝
節烈之遺耕桑水泉之利莫不
洞悉其旨而徐察其民情風俗
之盛衰以較於志之所云其同
異相去何若而因勢利導之夫

而后可為良有司也上虞之有
縣蓋始於秦而有志則始於元
明以至

國朝嘉慶間其廢失又八十餘
年其間賴邑人士沈茂中奎增

上虞縣志

序

二

刪舊志成彙乘刊補而王孝廉
振細又萃嘉道咸三朝之事為
彙志附稿一書今上虞令唐君
煦春於蒞任之季率政通時和
士庶咸悅治事之暇以志之有

禪於有司也缺軼既久毅然請
修遂延蔡進士元培朱進士士
黻總其事而以邑諸人士佐之
載筆於九月之初期以一年告
成而先以凡例問序於予予攷

冀之為邑其形勝雄踞江海群
山環拱實為古聖賢發祥之地
如握登山之祀舜母姚邛相傳
為帝舜所生處夏蓋山志傳夏
禹嘗駐蓋為三代以來名臣循

吏孝子孝女世代踵接然則其
鍾毓之厚其為俗熙熙皞皞日
進於古尤賴有良有司善倡其
際使歷久不敝苟非有攷鏡之
具又何以循汭溯源燦如指畫

耶是書并舊志之水利食貨人
物而特立

天章學校武備金石經籍各門
皆於體例為善又是時
天子方命疆吏測繪輿圖以訂

舊圖也謠失於是 大中丞長
白崧公 奏設浙江輿圖局
通周髀九章之術者必赴各郡
測量繪圖唐君亦以舊志各圖
摹繪山水無當計里之法遠聘

上虞縣志 序 統 五

執士測算開方便舊存諸圖釐
然並正可謂勤矣夫天下之權
分寄之於令而令之賢否利弊
又見之於志為令者可不慎與
唐君之樂成是書固有志於為

良有司而裨於後以為有司者
豈淺鮮哉是為序
光緒十有六年九月十日浙江
宣使者番禺許應鏞撰

上虞縣志 序

重修上虞縣志序

昔蔡平江序廣輿記歆使九州之大上下千百年之久瞭然如燭照而計數天下然一色何獨不然歲庚寅余奉天子命秉臬於浙越明年上

虞唐大令以新輯志書郵牘問序夫上虞舜封支庶舊墟宅姚邱歷山前聖之派風濫俗猶有存者三代而下穀明文物益斐然可觀唐君宰是邦政平訟息百廢具脩薄書

之暇與其邦之縉紳先生搜輯掌故自山川疆域之大以及物產人文之盛其開輿彙沿革靡不詳稽博攷析縷分條凡厥體例踵前志而更通之脩煩飾簡增事損文後之

覽者因其文以參其義讀其書而知其政則夫上下千百年之久不已瞭然燭照而計數哉夏書禹貢詳四賸方物周禮職方紀山澤民數下逮班馬范歐諸書其於地理食

偵經籍選萃必詳焉志之即
謂志書與經史相表裡也可
余既美唐君之賢而相望於
虞民者厚猶穆然想見有嫺
氏之盛焉

光緒十七年辛卯仲春署理

浙江布政使司提刑使者合
肥龔照瑗譔